


DIGITAL MEDIA ETHICS CODE



HAPOH KA INFORMATION TECHNOLOGY (INTERMEDIARY GUIDELINES AND DIGITAL MEDIA ETHIC CODE) RULE 2021

FREQUENTLY ASKED QUESTIONS



MINISTRY OF INFORMATION AND BROADCASTING

KI JINGKYLLI BA MIH MAN KA POR

Ka bynta ba I: Ki jingtip

1. Balei ka Information Technology (Intermediary Guidelines and Digital Media Ethics Code) Rules, 2021 ka long kaba donkam?

Ki kam digital media ki la kiew bha katba dang iaid ki snem.

Bun kito kiba don bynta ha kine ki kam kum ki lad pathai khubor online, ki rynsan OTT bad kiwei kiwei ki dei kiba la jyllei bha ha ka internet. Kine ki kyndon ki batai ia ki rukom treikam jong kine halor, bad ki aibor ruh ia ki briew ka ri bad ai jingiada ia ki khynnah na kiei kiei ki khubor kiba lah ban ktah ia ki bad ha kajuh ka por ki iada ruh ia ka hok jong ki briew, ki lad pathai khubor bad ki nongsaindur ba kin kren kylluid mynsiem. Kine ki kyndon kin wanrah ia ka roi ka par bad ka jingiaineh jong ki lad pathai khubor bad ki kam pynbyrnia ha India bad ha kajuh ka por ki ai jingithuh bad ki plié lad ia ki nongpathai khubor ha ki rynsan digital media.

2. Hapoh ka ain aiu la wanrah ia kine ki kyndon? Hato yn rah ne em ia ki hakhmat ka iing dorbar thaw ain Parliament?

Ka Information Technology Act, 2000 ka dei kaba la pyllait da ka iing dorbar thaw ain Parliament. Ia kine ki kyndon la wanrah hapoh kane ka ain bad yn sa rah ia ki hakhmat ka iing dorbar thaw ain Parliament.

3. Naduh lano yn treikam kine ki kyndon na ka bynta ki lad pathai khubor online bad ki rynsan OTT?

Kine ki kyndon ki la treikam naduh ka 25 tarik u Rymphang, lah ban ioh ia ki ha ka website


<https://mib.gov.in/digitalmedia/information-technology-intermediary-guidelines-and-digital-media-ethics-code-rules-2021>

Ka bynta ba II: Ki kyntien bad ka thup jong ki kyndon

5. Ki kynhun aiu kiba hap hapoh ka Information Technology (Intermediary Guidelines and Digital Media Ethics Code) Rules, 2021?

Kine ki kyndon ki treikam na ka bynta kino kino kiba pynmih ia ki khubor bad ki jingjia, kito kiba pynmih ia ki prokram lyngba ka internet (ia kiba ju khot ki rynsan OTT) bad kiwei kiwei kiba peit ia kine ki kam.

Digital Media Ethics Code MAII'g FEATURES



6. Mano ba pyntreikam ia kine ki kyndon, ka tnat Electronics & Information Technology lane ka tnat Information & Broadcasting?

Ka bynta ba ar jong kine ki kyndon ka iadei bad kito kiba peit ia kine ki kam ba la batai halor bad ia kane ka bynta yn pyntreikam da ka tnat Electronics & Information Technology. Ka bynta kaba III ka iadei bad ki nongpathai khubor bad ki rynsan OTT bad ia kane ka bynta yn pyntreikam da ka tnat Information & Broadcasting.

Digital Media Ethics Code Ki jingmyntoi



Na ka bynta ki briew bad ka imlang sahlang

Ka jingbha jong ki khubor
Entertainment Content



Informed Choice, Effective
G r ievance Redress al

Protecting Children
Access Control and
Age Verification

Curbing Misinformation
Accountability of Digital
News Publishers

7. Kiei kita kiba hap ha ka thup jong ki nongpynmih ia ki khabor bad ki jingjia ha ka digital media?

Ka kotkhubor online, rynsan khubor (news portal), nonglum khubor, nongsam khubor bad kiwei kiwei ki dei ki nongpynmih ia ki khubor bad ki jingjia. Kiwei kiwei kiba trei ia kum kine ki kam ruh ki hap hapoh ka thup ki nongpynmih khubor.

08. Kiei kiba hap ha ka thup jong ki nongpynmih ia ki prokram lyngba ka bynta internet?

Ia ki nongpynmih ia ki prokram lyngba ka internet ju tip kum ki rynsan OTT. Ki nuksa jong kine ki long ka Netflix, Amazon Prime, Zee5, Alt Bajaj bad kiwei kiwei. Kine ki jied ia ki prokram, ki phlim, ki series ba kin pynmih ha ki rynsan jong ki bad ki ai ia kine sha ki nongpeit.

09. Ka mut aiu kata ka prokram lyngba ka internet?

Ka prokram lyngba ka internet ka dei ka video kaba don sur kum ki phlim, ki web series bad kiwei kiwei kiba ki briew ki lah ban peit katkum ka jingkwah jong ki lyngba ki rynsan OTT.

10. Kiei kita ki prokram kiba don ha ki rynsan internet ba ki briew ki lah ban peit ha kano kano ka por katkum ka jingkwah jong ki?

Ia ki prokram ba ki briew ki lah ban jied ban peit hadien ba ki la ai jingsiew kum ki subscriber,

nongpyndonkam (user) lane nongpeit ha kano kano ka por ba ki kwah ban peit ia kine ki prokram lah ban ong ba ki dei ki prokram ba ki briew ki lah ban peit ha kano kano ka por katkum ka jingkwah jong ki.

11. Hato lah mo ban ong ba ki briew kiba pynmih ia ki prokram bapher bapher ha ka internet kum ki jingsngew shaphang ki jingjia ruh ki dei ki nongpynmih?

Ki briew kiba pynmih ia ki prokram ha ka internet hynrei ki bym pynmih jingkamai na kane ka kam kim hap hapoh ka thup ki nongpynmih khubor ne shaphang ki jingjia.

12. Hato kine ki kyndon ki treikam tang ia ki website jong ki nongpynmih jingtip?

Ki nongpynmih jingtip ki dei ban peit ia ki kyndon kiba iadei bad ki jait prokram wat lada kim pyndonkam ia ka internet ban sam ia kine ki prokram.

Ka bynta ba III: Ki Code of Ethics na ka bynta ki nongpynmih khubor bad shaphang ki jingjia

13. Kaei kata ka Code of Ethics na ka bynta ki nongpynmih khubor digital?

- Ki kyndon Journalistic Conduct of the Press Council of India <https://presscouncil.nic.in/WriteReadData/Pdf/NORMSTWOZEROONEININE.pdf>
- Ka Programme Code hapoh ka section 5 jong ka Cable Television Networks (Regulation) Act, 1995 <https://www.mib.gov.in/broadcasting/programme-and-advertising-codes>
- Yn ym shah ban pynmih ia ki khubor kiba long beain katkum ki ain ba mynta.

14. Hako ki don ki bynta kiba thymmai ha ka Code of Ethics na ka bynta ki nongpynmih khubor?

Ka Code of Ethics na ka bynta ki nongpynmih khubor digital ka ong ba ki hap ban bud ia ki ain; ym pat wanrah kano kano ka kyndon ne ka ain kaba thymmai. Katba don kito ki website pynmih khubor kiba bud ia ki kyndon na ka bynta ki kotkhubor bad ki channel pathai khubor, ka Code of Ethics ka shu ong ba dei ban bud ia ki kyndon Journalistic Conduct (na ka bynta ki kotkhubor) bad ka Programme Code hapoh ka Cable Television Networks Regulation Act (kaba iadei bad ka TV), bad kumta ka wanrah ia ka jingryntih ha ki kam pynmih

khubor.

Digital Pledia Ethics Code

Ki Jingmyntoi bad ki Jingjop



Ki Nongpynmih khubor
Digital

Ki kyndon kiba iahap na ka bynta ki khubor online ne offline

Ka kam pathai khubor kaba biang lyngba ka jingshai



Kaba kham jngai na ka Sorkar

Ka jingpynduna ia ki khubor hamsaia ha ka rynsan digital

Ka bynta ba IV: Ki Code of Ethics na ka bynta ki nongpynmih ia ki prokram lyngba ka internet (ki rynsan OTT)

15. Kaei kata ka Code of Ethics na ka bynta ki rynsan OTT?

Ka Code of Ethics na ka bynta ki rynsan OTT ka don kine ki bynta:

Ki kyndon kiba iadei bad ki prokram bym shah ban pyni bad kiba dei ban peit bha.

- Ka jingbuh jingtip shaphang ki prokram katkum ka rta jong ki briew ba long ban peit ia kine ki prokram
- Ka jingpyni ia kine ki kyrdan bad ka jingbatai shaphang ka prokram, ka jingbuh kyndon katkum ka rta ki nongpeit, ka jinglah ki kmie ki kpa ban khang ia ki khun ban peit, ka jingpynshisha ia ka rta ki nongpeit khnang ba ki khynnah kin ym lah ban peit ia ki prokram ba kim pat long ban peit

- Ki sienjam ban kham pynbha ia ki lad na ka bynta kito kiba don jingduna dkhot met ba kin peit ia ki program

06

16. Kiei ki kyndon ba dei ban bat ki rynsan OTT kum shi bynta ka Code of Ethics?

Ki kyndon ba ki rynsan OTT ki dei ban bat kum shi bynta ka Code of Ethics ki long:

- Ban ym pynmih ia kano kano ka prokram kaba long beain lane kaba lah shah khang da ka iing shari.

- Ban peit thuh ia ki jingktah jong ki prokram bad ban long kiba husiar haba ki prokram ki lah ban ktah ia ka jinglong trai bad ka burom jong ka India; kaba buh jingma ia ka jingshong shngain ha ka ri, kaba ktah ia ka jingiadei bad kiwei kiwei ki ri; lane kaba lah ban ialam sha ka jingkulmar lane pynthut ia ka jingshongsuk shongsain.

- Ban peit ia ka jingbun bynta ka India ha ka liang ka niam, ki jaitbynriew bad ban long kiba husiar haba pyni shaphang ki jingngeit, ki jingleh niam, ki rukom im lane ki jingsngew jong ki kynhun kiba shitrhem ha ki kam niam ne ki kam jaitbynriew.

17. Kiei ki jingbatai jong ka prokram ba dei ban pyni bad ki prokram lyngba ka rynsan online?

Ki rynsan OTT ki dei ban pyni ia ka jingbuh kyrdan katkum ka rta ba long peit ia ka prokram bad ka jingbatai shaphang ka prokram na ka bynta man ka prokram ba pyni. Lada long, dei ban pyni ruh ia ka jingmaham ha shuwa ban sdang ka prokram.

18. Kaei ka nongrim jong ka jingbuh 5 kyrdan katkum ka rta? Kane ka iarap kumno ia ki nongpeit?

Ka jingbuh kyrdan katkum ka rta ka dei katkum ka rukom pyntreikam ha kiwei kiwei ki ri bad kane ka thmu ban iada ia ki khynnah na ki prokram kiba buh ia ki ha ka jingma ne kiba kim pat long ban peit. Namar ka media bad ka pule

puthi ka don ka bynta kaba khraw ha ka jinglong jong ki khynnah, kane ka jingbuh kyrdan katkum ka rta kan iarap ia ki kmie ki kpa ba kin sngewthuh kano ka prokram ka long ia ki khun jong ki ban peit.

19. Kiei kita ki kyrdan ha kiba yn buh ia ki prokram online?

la ki prokram online yn buh ha kine ki kyrdan harum:

- | Sl No | Ki jait prokram | Ka kyrdan |
|-------|--|-----------|
| 1 | Kiba long ban peit baroh | U |
| 2 | la kito kiba la dap 7 snem ka rta bad ia kito kiba hapoh 7 snem ha ka jingdon ryngkat ki kmie ki kpa | U/A 7+ |
| 3 | la kito kiba la dap 13 snem ka rta bad ia kito kiba hapoh 13 snem ha ka jingdon ryngkat ki kmie ki kpa | U/A 13+ |
| 4 | la kito kiba la dap 16 snem ka rta bad ia kito kiba hapoh 16 snem ha ka jingdon ryngkat ki kmie ki kpa | U/A 16+ |
| 5 | Tang ia kito kiba la Rambah A | |

20. Hato don kano kano ka jingpyrkhing ha ki rynsan OTT?

Ym don kano kano ka jingpyrkhing ha ki kyndon.

Ia ki prokram ba pyni lyngba ki rynsan OTT dei ban buh kyrdan hi da ki.

21. Dei ban peit ia kiei haba buh kyrdan ia ki prokram?

Ia ki prokram dei ban buh kyndon katkum:

i) Ka khubor; ii) Ka jingiashoh; iii) Ka jinglyngkhuid; iv) Ki kam shongkha; v) Ki kyntien; vi) Ka jingpyndokam ia ki jingdih pynbuid; bad (vii) Ka jingima. Ila kine la batai ha ka Schedule jong ki Kyndon.

22. Dei ban ai jingtip aiu haba batai shaphang ka prokram?

Ka jingtip shaphang ka prokram ka dei ban batai shaphang ka phlim, ka web series ne kiwe kiwei ki prokram. Kine ki lah ban long shaphang ka jingpyni ia ki tiar kiba beain lane kiba buh jingma, ka jingma halor ka jingpynbud ia ki kam ba bakla, ka jinglyngkhuid, ki ktien, ka jingiashoh iadat, ka jingtieng, ka jingpynma, ka jingitriem lane kiwei kiwei.

23. Kumno yn pynthikna ba ki khynnah kim peit ia ki prokram bym long?

Ia ki prokram kiba hap ha ka thup 'U/A 13+' lane kham haneng, ki rynsan OTT kin buh ia ki lad ban pyrkhing ia ka jingpeit kum ki jingioh jingbit na ki kmie ki kpa. Ia ki prokram ba don ha ka thup 'A' kin pyntreikam ia ki jingpynshisha ia ka rta jong ki briew kiba kwah ban peit ia

kum kine ki prokram.

24. Kumno ki kyndon kin kyntiew ia ka jingkiew jong ki kam OTT ha ka ri India?

Ki kyndon kin wanrah ia ka jingkiew jong ki kam digital media. Ka rukom pyntreikam kaba ryntih kan wanrah ia ka jingbei tyngka, kin plié lad ioh kam bad kin kyntiew kyrpang ia ki kam OTT bad ruh ia ki kam kiba iadei bad ki phlim bad ki jingrwai.

25. Kumno ka ethics code kan kyntiew ia ka jinglailuid ki nongsaindur bad ka kam saindur?

Ka Sorkar ka ieng skhem na ka bynta ka jinglailuid ki kam saindur bad ka hok jong ki briew ban kren bad pynsngew ia ki jingsngew jong ki. Kine ki kyndon ki plié lad ban don ka jingbuh kyrdan ia ki prokram da ki rynsan OTT khlem da don ka jingtuklar ka Central Board of Film Certification. Ha kane ka bynta, la ai ruh ia ki jingbatai shaphang ka jingioh jingithuh ha ki kyndon. Kumta ki kyndon kin plié lad ia ki nongsaindur ba kin phylliew jingmut bad ba kin kyntiew ia ki prokram jong ki.

26. Kumno ki kyndon na ka bynta ki OTT ki kyntiew ia ki lad jong ki briew ban jied katkum ka jingsngewtynnad jong ki?

Ki kyndon ki pynkup bor ia ki nongpeit. Ki kyndon ki ai jingmut ba dei ban don ka jingbuh kyrdan bad ka jingbatai ia ki prokram da ki rynsan OTT. Kane ka plié lad

ia ki nongpeit ba kin sngewthuh kaei ki kwah ban peit. Ka jingpyrkhing halor ki prokram ba ioh ban peit kan iarap ruh ia ki kmie ki kpa ba kin iada ia la ki khun na ki prokram ba kim pat long ban peit.

Ka bynta ba V: Ki lad ai jingujor

27. Kiei kita ki lai bynta ban peit ia ki jingujor pyrshah ki prokram ba pyni ha ki digital media?

la ki jingujor yn pynbeit ha ka por kaba biang. Kine ki kyrdan ki buh ia ka rukom pynbeit kaba lai kyrdan na ka bynta kane:-

- Ka kyrdan kaba I - Ka jingpeit hi da ki nongpynmih prokram
- Ka kyrdan ba II - Ka jingpeit hi da ka kynhun jong ki nongpynmih prokram
- Ka kyrdan ba III - Ka jingpeit ia ki jingduna da ka Sorkar Pdeng.

28. Ki nongpynmih prokram ki don jinglaitluid aiu hapoh ka thup jingpynbeit hi? Hato ka Sorkar ka pyniaid ia kane ka kam?

Kane ka rukom peit ia ki jingujor ka don ar bynta ha kaba ka kyrdan kaba nyngkong ka dei jong u nongpynmih prokram bad ka kyrdan kaba ar ka dei ka kynhun jong ki nongpynmih prokram. Yn seng ia kane ka kynhun ki nongpynmih prokram da ki nongpynmih prokram. Ia kane ka kynhun yn ialam da u nongbishar ba la shongthait jong ka iing shari Supreme Court/High Court lane u riew pawkhmat uba trei ha kane ka kam kum u Chairperson bad kane ka kynhun kan long kaba don burom bad kaba don kyrdan. Ka Sorkar ka don ka bynta kaba malu mala ha kane ka kam lyngba ka jingpeit ia ki jinglait jingklet ha ka

kyrdan kaba lai bad yn rah ia ki kam ki bym lah ban
pynbeit ha ki kyrda ba I bad II sha ka kyrda kaba III.

29. Kaei ka kamram jong u nongpynmih program (Kyrdan I) ban pynbeit ia ki jingujor?

Man u nongpynmih program un seng ia ka rukom pynbeit ia ki jingujor bad un thung ia u Grievance Officer uba sah ba shong ha India. Ia ki jingtip shaphang ka rukom pynbeit ia ki jingujor dei ban pyni da u nongpynmih program ha ka jaka kaba biang ne ha ka website jong ka kompani ne ha ka channel. Shuh shuh, man u nongpynmih program u dei ban long dkhot jong ka kynhun bishar jong ki nongpynmih program.

30. Katno por don u nongpynmih program ban pynbeit ia kano kano ka jingujor ba u ioh.

U nongpynmih program u dei ban ai jingtip shaphang ka rai ha kane ka kam sha u nongai jingujor hapoh ka 15 sngi.

31. Hato u nongujor u lah ban ai jingujor biang halor ka rai jong u nongpynmih program halor ka jingujor kaba nyngkong?

Hooiid, u nongujor u lah ban ai jingujor halor ka rai jong u nongpynmih program sha ka kynhun ki nongpynmih program ha kaba une u nongpynmih program ruh u long dkhot. Ia kum kane ka jingujor lah ban buh 15 sngi hadien ba la ioh ka rai.

32. Ka long kumno lada u nongpynmih program um ai jubab hapoh ka 15 sngi?

Lada u nongpynmih program um ai jubab hapoh ka 15 sngi, lah ban rah ia kane ka jingujor sha ka kynhun ki nongpynmih program ha kaba une u nongpynmih program ruh u long dkhot.

33. Kumno yn seng ia ki kynhun jong ki nongpynmih program?

Ki nongpynmih, lane ki kynhun jong ki, ki lah ban seng ia kine ki kynhun katkum ki ain.

34. Mano ban long ki dkhot jong kine ki kynhun jong ki nongpynmih program?

Ia kane ka kynhun yn ialam da u nongbishar ba lah shongthait na ka iing shari Supreme Court lane High Court, lane u riewpawkhmat uba trei ha ki kam media, pynmih program, kam pynbyrnia, ki hok jong ki khynnah, lane kiwei kiwei. Ka kynhun kan don kumno kumno hynriew ngut ki dkhot ki ban dei kiba lah tbit ha kine ki kam.

35. Hato yn don kawei ka kynhun ki nongpynmih program na kylleng ka ri?

Lah ban don palat kawei ka kynhun kum kane hynrei baroh ki nongpynmih program ki dei ban long dkhot jong ka kynhun ki nongpynmih program

36. Kiei ki kam jong ki kynhun jong ki nongpynmih program?

Ki kynhun jong ki nongpynmih program kin peit ia kine ki kam:—

- Kin pynthikna ba ki nongpynmih program ki bud ia ki Code of Ethics;
- Kin peit ia ki jingujor kiba ki nongpynmih program kim pat pynbeit hapoh ka 15 sngi
- Peit ia ki jingujor shaphang ki rai jong ki nongpynmih program

- Kin ai jingbthah ia ki nongpynmih prokram ha kaba iadei bad ka jingbud ia ka Code of Ethics.

37. Hato ka tnat Sorkar kan kyntiew kyrteng ia ki kynhun jong ki nongpynmih prokram?

Ia ki kynhun jong ki nongpynmih prokram yn kyntiew kyrteng da ka tnat Sorkar hadien ba ka la hun ba ia ka kynhun la seng katkum ki kyndon bad hadien ba ka la Mynjur ban trei ia ki kam kumba la batai ha ki kyndon.

38. Kiei ki jingbthah ba ka kynhun ki nongpynmih prokram ki lah ban ai sha ki nongpynmih prokram?

- Ki jingmaham, ki jingmana ia ki nongpynmih prokram; lane
- Ka jing phah panmap ia ki nongpynmih prokram; ne
- Phah ia ki nongpynmih prokram ba kin pynmih ia ka jingmaham ne ka jingbatai; lane
- Haba iadei bad ki prokram ba pynmih lyngba ka internet, phah ia ki nongpynmih prokram ba kin,—
 - Pynkylla ia ka jingbuh kyrdan jong ka prokram; lane
 - Pynkylla ia ka jingbatai shaphang ka prokram, ka jingbuh kyrdan katkum ka rta, pynkylla ia ka jingbatai lyngkot shaphang ka prokram;

39. Hato u nongai jingujor u lah ban ai jingujor biang pyrshah ka rai ba la shim da ka kynhun ki nongpynmih prokram?

Hoid, u nongai jingujor u lah ban ai jingujor pyrshah ka rai jong ka kynhun ki nongpynmih prokram sha ka oversight mechanism hapoh 15 sngi ba la ioh ia ka rai.

40. Kaei kata ka oversight mechanism (ka kyrdan ba III) hapoh ka lad ai jingujor kaba lai bynta?

Ka Oversight Mechanism kan dei ka tnat Information Broadcasting bad ka Inter-Departmental Committee ba seng da ka tnat.

41. Mano ban long dkhon jong ka Inter-Departmental Committee?

Yn long Chairman jong ka Inter-Departmental Committee da u ophisar ba la jied da ka tnat. Kan don ki nongmihkhamat na kiwei kiwei ki tnat bad ki kynhun kum ka tnat Kam Pohiing, ka tnat Electronics & Information Technology bad kiwei kiwei ha ryngkat ki briew kiba lah tbit ha kine ki kam.

42. Kaei ka kam jong ka Inter-Departmental Committee?

Ka Inter-Departmental Committee kan peit ia ki jingujor kiba mih na ki kyrdan I ne II lane kito kiba phah peit ka tnat bad kan sa ai jingmut halor kine sha ka tnat.

43. Hato ki nongpynmih prokram kin don lad ban ai jingpynshai sha kane ka komiti?

Ki nongpynmih prokram kin don lad ban ai jingpynshai halor ki jingujor ba la rah hakhmat ka komiti.

44. Kumno yn pynbeit ia ki jingujor?

- Ka komiti ka lah ban ai jingmut kumne ia ka tnat:-
- Ban ai jingmaham, jingmana ia u nongpynmih prokram
- Ban phah panmap ia u nongpynmih prokram
- Ban phah ia u nongpynmih prokram ba un pynmih ia ka jingmana lane ka jingpynshai; lane

Haba iadei bad ki prokram ba pynmih online, ban phah ia u nongpynmih prokram ban-

- Pynkylla ia ka rukom buh kyrdan ia ka prokram; lane
- Pynkylla ia ka jingbatai lyngkot shaphang ka prokram
- Pynkylla ia ka jingbatai shaphang ka prokram, ka jingbuh kyrdan katkum ka rta lane ka lad ia ki kmie ki

kpa ban khang ban peit ia ka prokram,

- Ban weng ne pynkylla ia ka prokram ban lait na ka jingpynshit ban leh ia ki kam beain ha shnong ha thaw;

Ha kaba iadei bad kano kano ka kam ba ka komiti ka sngew dei ban pynbeit katkum ki kyndon ba la buh hapoh ka sub-section (1) jong ka section 69A

Jong ka Ain, ka lah ban ai jingmut ban leh ia kaba dei ban leh.

45. Kumno yn pynbeit khatduh ia ka jingujor?

Ka tnat kan sa peit ia ka jingai jingmut jong ka Inter-Departmental Committee, bad kan sa ai jingbthah ia u nongpynmih prokram ba un bud.

46. Hato ka jingpynsangeh ia kano kano ka prokram ka dei mo ka sienjam kaba thymmai jong ka Sorkar?

Ka sienjam ban pynsangeh ia ka prokram kam dei kaba thymmai. Kane ka la don lypa hapoh ka Section 69A jong ka IT Act bad mynta lah don 11 snem, naduh u 2009 ba u Secretary, ka tnat Electronics & IT u lah pyndonkam ia kane hapoh ka Information Technology (Procedure and Safeguards for Blocking for Access of Information by Public) Rules, 2009. Hapoh ka Information Technology (Intermediary Guidelines and Digital Media Ethics

Code) Rules, la bujli ia kane da u Secretary, ka tnat I&B namar ia ka bynta kaba III jong kine ki kyndon ju pyntreikam da ka tnat Information & Broadcasting.

47. Kiei ki jingiada ban lait na ka jingshah weng ka prokram?

Ka lingshari Supreme Court ha ka rai jong ka ha ka case ba iadei bad ka Shreya Singhal ka la ong ba ki don ki jingiada shuwa ban weng ia ka prokram hapoh ka Section 69A. la kine ki jingiada la pynneh ha kine ki kyndon ba thymmai. Kine ki jingiada ki long:

- Lah ban weng ia ka prokram tang haba don katto katne ki daw kiba long ki jingkhang katto katne ia ka hok ban kren laitluid kumba la batai haph ka Article 19(2) jong ka Riti Synshar jong ka ri. Kine ki kynthup ia ka jinglong bakhraw bad ka jinglaitluid jong ka India, ka jingshong shngain ha ka ri, ka jingiadei ba bha bad ki ri para marjan, bad kiwei kiwei.
- Ka jingai jingmut ban weng ia ka prokram ka dei ban wan na ka komiti kaba don dkhot da ki nongmihkhmat jong ka tnat Women and Child Development, ka tnat Law and Justice, ka tnat Defence, ka tnat External Affairs bad kiwei kiwei.
- Ki kyndon ki plié lad ia u nongpynmih prokram ba un ai ia ka jubab lane ka jingpynshai sha ka komiti bad kane ka komiti kan peit lada donkam ne em ban weng ia ka prokram. Ka dei tang haba ka komiti ka lap ba dei ban weng ia ka prokram ban sa ai ia ka hukum ban leh kumta.

- Ia ki daw ba weng ia ka prokram dei ban ai da ka jingthoh.

Ka bynta kaba VI: Kiwei kiwei ki kam

48. Kumno kan iaid ka jingiakren hapdeng ki nongpynmih prokram bad ka tnat na ka bynta ki kam kiba iadei bad ka Code of Ethics bad kiwei kiwei?

Ki nongpynmih prokram kin ai jingtip sha ka tnat shaphang ka kynhun jong ki da kaba pynpoi lut ia kane ka jingtip sha ka tnat.

49. Kiei kiba dei ban ai jingtip paidbah da ki nongpynmih prokram bad kito kiba trei bad ki?

Ki nongpynmih prokram bad ki kynhun jong ki kin pyntip shaphang baroh ki jingujor ba ki ioh, kumno la pynbeit ia kine, ki sienjam ba la shim halor kine ki jingujor, ki jubab ba la phah sha ki nongujor bad kiwei kiwei ki kam man u bnai.

Ka bynta kaba VII: Ki ophisar hapoh ka tnat

50. Haba don kano kano ka jingartatien, iano yn iakren na ka tnat Information & Broadcasting?

Lah ban iakren bad kine ki ophisar harum lyngba ka email lada don kano kano ka jingartatien lane ban ioh jingpynshai:

- Shri Amarendra Singh, Deputy Secretary (Digital Media), Ministry of Information & Broadcasting. Email address: amarendra.singh@nic.in
- Shri Kshitij Aggarwal, Assistant Director (Digital Media), Ministry of Information & Broadcasting. Email address: kshitij.aggarwal@gov.in

Baroh ki jingtip shaphang ki kyndon ki don ha ka website jong ka tnat
Information & Broadcasting ha ka <https://mib.gov.in/>.

